

□ سر وفاة الحلوانى □

فيها إلى حد الفوضى :

- تصدق باللى خلقك.. مصر كلها خابت بعد الخيبة اللى حطت على  
السجون !

- ليه يا عم حلوانى ؟

- وهيه دى بقت سجون .. السجون كانت زمان يا بنى . كنا نقتل  
المسجون وندفننه فى الحوش اللى قدامك ده.. ولا سين ولا جيم  
الزهاردة متعرفش تشخط فى مسجون !؟

وأشار عم الشاويش الحلوانى على مسجون يتأهب للخروج من  
العنبر، كان يرتدى بدلة سجن بيضاء مكوية بعناية، وتطل من جيب  
الجاكته علبة سجائر مستوردة، ويدس قدميه فى حذاء رياضى ماركة  
شهيرة.. وقال :

- بدمتك ده مسجون ؟ دا بيه، دا عايش أحسن م المأمور. تصدق  
باللى خلقك، زمان كان المسجون إذا ضبطوه واكل بصل نهار أبوه  
أزرق، إذا شموا ريحته سجائر هيندم على اليوم اللى امه ولدت فيه.  
كانت الجزم ممنوعة والملابس الداخلية ممنوعة، وإذا المسجون احتاج  
حاجة من الشاويش لازم يقوله.. يافندى. وإذا المسجون راح مكتب  
المأمور، وأول ما يدخل من الباب لازم يركع على ركبه لحد المقابلة ما  
تنتهى. أمال. كان فيه نظام !

كان مهموما ويأثسا من إصلاح الحال المايل. ولم تكن ثورته ضد  
النزلاء فقط ولكنها امتدت إلى الضباط أيضا، وكان يتناول فى حديثه  
ضابطا شابا يتمتع بشعبية واسعة بين النزلاء، وكان إذا تعرض له  
قال بسخرية شديدة :

- أصله مش ابن المصلحة، وأصله ضابط مرور، وهمه دول اللى  
خيبوا السجون، بيحبوهم من المطافى ومن الأقسام ومن المباحث  
ودول ما ينفعوش. الضابط الكويس لازم يتأسس فى المصلحة من  
الأول. ولازم يعرف السلايحة ويفهم النظام. ودول مايقاش موجود